

तया दि॒शं प्रा॒ज्ञान॒नुदी॒ची॒ ह्येत॒स्यै दिक् ॥ १५ ॥ प्रा॒चीमे॒व दि॒शम् । अ॒ग्निना प्रा॒-
 ज्ञानं॒स्तस्मा॒दग्निं प॒ञ्चात्प्रा॒ञ्चमु॒द्धृत्यो॒पासते प्रा॒ची॒ ह्येते॒न दि॒शं प्रा॒ज्ञान॒न्प्रा॒ची॒ ह्ये-
 त॒स्य दिक् ॥ १६ ॥ द॒क्षिणा॒मे॒व दि॒शः । सो॒मे॒न प्रा॒ज्ञानं॒स्तस्मा॒त्सोमं क्री॒तं द॒क्षिणा
 प॒रिव॒हन्ति त॒स्मादाहुः पित॑र॒दे॒वत्यः सोम॑ इति द॒क्षिणा॒ ह्येते॒न दि॒शं प्रा॒ज्ञान॒न्-
 द॒क्षिणा॒ ह्येत॒स्य दिक् ॥ १७ ॥ प्र॒ती॒चीमे॒व दि॒शः । स॒वि॒त्रा प्रा॒ज्ञान॒न्नेष॒ वै स॒वि॒ता
 य ए॒ष त॒पति त॒स्मादेष॒ प्रत्य॑ङ्केति प्र॒ती॒ची॒ ह्येते॒न दि॒शं प्रा॒ज्ञान॒न्प्र॒ती॒ची॒ ह्येत॒स्य
 दिक् ॥ १८ ॥ ऊ॒र्ध्वमे॒व दि॒शम् । अ॒दि॒त्या प्रा॒ज्ञान॒न्नियं वा॒ऽअ॒दि॒तिस्त॒स्मादस्या॒मूर्ध्ना
 अ॒ोष॒धयो जा॒यन्त॑ ऊ॒र्ध्वा व॒नस्प॒तय॑ ऊ॒र्ध्वा॒ ह्येत॒या दि॒शं प्रा॒ज्ञान॒न्मूर्ध्ना॒ ह्येत॒स्यै दिक्
 ॥ १९ ॥ शि॒रो वै य॒ज्ञस्या॒तिथ्य॑म् । बा॒हू प्रा॒यणी॒योद॒यनी॒याव॒भितो॑ वै शि॒रो बा॒हू
 भ॒वत॑स्त॒स्माद॒भित॑ आ॒तिथ्य॑मेते ह॒विषी॑ भ॒वतः प्रा॒यणी॒यश्चोद॒यनी॒यश्च ॥ २० ॥ त-
 दाहुः । य॒दे॒व प्रा॒यणी॒ये क्रिये॑त त॒दुद॒यनी॒ये क्रिये॑त य॒दे॒व प्रा॒यणी॒यस्य॑ ब॒र्हिर्भ॒व-
 ति त॒दुद॒यनी॒यस्य॑ ब॒र्हिर्भ॒वती॑ति त॒दपो॒द्धृत्य॑ नि॒दधा॑ति ता॒ स्या॒ली॒ स॒क्षाम॑कर्षा
 प्र॒मृज्य॑ मे॒क्ष्णं नि॒दधा॑ति य॒ ए॒व प्रा॒यणी॒यस्य॑ वि॒जो भ॒वन्ति त॒ उद॒यनी॒यस्य॑ वि॒-
 जो भ॒वन्ति तद्य॑दे॒तत्स॒मानं य॒ज्ञे क्रिये॑ते ते॒न बा॒हू स॒दृशौ॑ ते॒न स॒द्वपौ॑ ॥ २१ ॥ त॒दु
 तथा न॒ कुर्या॑त् । का॒ममे॒वैत॒द्वर्हि॑रनु॒प्रह॑रेदे॒वं मे॒क्ष्णं नि॒र्णिज्य॑ स्या॒लीं नि॒दध्या॒द्य
 ए॒व प्रा॒यणी॒यस्य॑ वि॒जो भ॒वन्ति त॒ उद॒यनी॒यस्य॑ वि॒जो भ॒वन्ति यद्यु॑ ते वि॒प्रेताः
 स्यु॒रप्यन्य॑ ए॒व स्युः स यद्वै स॒मानी॒र्दे॒वता॑ य॒जति॑ स॒माना॒नि ह॒वी॒षि भ॒वन्ति ते॒-
 नै॒व बा॒हू स॒दृशौ॑ ते॒न स॒द्वपौ॑ ॥ २२ ॥ स॒ वै प॒ञ्च प्रा॒यणी॒ये दे॒वता॑ य॒जति॑ । प॒-
 ञ्चोद॒यनी॒ये त॒स्मात्प॒ञ्चेत्या॒दङ्गुल॑यः प॒ञ्चेत्या॒त्तह्म्यु॑त्तं भ॒वति न प॒त्नीः सं॒याज॑यन्ति
 पूर्॒वार्धं वा॒ऽअ॒न्वा॒त्म॒नो बा॒हू पूर्॒वार्धमे॒वैत॒द्य॒ज्ञस्या॒भिसं॑स्करोति त॒स्माह्म्यु॑त्तं भ॒व-
 ति न प॒त्नीः सं॒याज॑यन्ति ॥ २३ ॥ ब्रा॒ह्मण॑म् ॥ २[२.३.] ॥ ॥

दिवि॒ वै सोम॑ आसीत् । अ॒थेह॒ दे॒वास्ते॒ दे॒वा अ॒काम॑यन्ता नः सो॒मो ग॒हेत्ते-